

آبونه اولق ایستینلر دائره عدلیه ده
اداره مخصوصه سنه مراجعت
ایملیدر

اعلانک بهرندن بر مجیدیه اخذ
ایدیلور

نسخه سی ۴۰ پاره در

تذکره محاکمه علییه

سنه لکی در سعادت ایچون مجیدیه
بکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

توضیحات

قسطمونی ولایتی استیناف محکمه سی مدعی
عمومیلکی یانیه ولایتی مرکز بدایت محکمه سی
حقوق دائره سی رئیس رفعتلو حسن حامی افندی به
یانیه ولایتی مرکز بدایت محکمه سی حقوق
دائره سی ریاستی انقره ولایتی مرکز بدایت محکمه سی
جزا دائره سی رئیس قوتولو هدایت افندی به
انقره ولایتی مرکز بدایت محکمه سی جزا
دائره سی ریاستی ارضروم ولایتی مرکز بدایت
محکمه سی حقوق دائره سی ریاستندن مستغنی رفعتلو
علی علوی افندی به

دیوانیه سنجانغی بدایت محکمه سی مدعی عمومی
معاونلکی کرکوک سنجانغی بدایت محکمه سی
مدعی عمومی معاونی ابراهیم افندی به
کرکوک سنجانغی بدایت محکمه سی مدعی عمومی
معاونلکی سلیمانیه سنجانغی بدایت محکمه سی
مدعی عمومی معاونی شعبان زهدی افندی به
سلیمانیه سنجانغی بدایت محکمه سی مدعی عمومی
معاونلکی اورفه سنجانغی بدایت محکمه سی مدعی
عمومی معاون سابق عزتولو شریف افندی به
قالبینوز بدایت محکمه سی ریاستی قانونیه بدایت
محکمه سی رئیس عثمان افندی به

قانونیه بدایت محکمه سی ریاستی یره بدایت
محکمه سی رئیس عثمان نوری افندی به
یره بدایت محکمه سی ریاستی کسریه قضاسی
بدایت محکمه سی مدعی عمومی معاون سابق سالم
افندی به تفویض بیورلمش ومومی الیهمدن محلف
اولمیان ابراهیم وعثمان افندیلرک علی الاصول امر
تحلیقلرینک اجراسی محالرینه اشعار قلنمش اولوب
دیگرلری محلف بولنمشدر .

تبلغات

عدلیه نظارت مبلد سنده ولایات شاهانه استیناف
مدعی عمومی بلکدرینه نظیر قنانه تحریرات عمومی
موردنبره :

جرم مشهود وقوعنده محل جرمه عزیمت ایدن
مأمورینه مسافه اعتباریه ویرلکده اولان خرج راهلردن
یوزده اون بش والی توقیفات اجرا ایدیلوب
ایدلیه جکی بعض طرفدن استفسار اولنقدن ناشی
کیفیت محاسبه وانجمن اداره عدلیه به لدی الحواله
محل جرمه عزیمت ایده جک مأمورینه محکمه قراریه
ویرلمسی لازم کلان خرج راهلر قرارنامه مخصوصه
توفیقاً مسافه کوره تقدیر ایدلیکی حالد خرج راه
اخذ ایده جک مأمورک معاشی بیک غروشندن دون
ایسه یوزده اون بش و بیک غروشندن فضله ایسه
یوزده الی نسبتنده تزیلات اجراسی مقررات
ایجاباتندن اولدیغندن بعدازین اولوجهله معامله ایفاسی
لازم کله جکی افاده و کیفیت لازم کلنلره تبلیغ ایدلمک
اوزره اشبو تحریراتک نسخ مطبوعه کافیه سی لفا
ارسال قلنمش اولدیغنی بیانیه ومحاسبه افاده سیله شقه
ترقیم قلندی .

در سعادت منابت محکمه سنده :

ابوعریش قضاسی قائممقامی ایکن عدنه
فرار ایدلیکی ادعاسیله متهم بولنان شا کر بک
دردست اوانه ماش اولدیغندن قانونه اطاعتله
محکمه به کلسی ایچون تاریخندن اعتباراً جانب
ریاستندن کندوسنه مجدداً اون کون مهل اعطا
قلنه شدر مهل معین ظرفنده مرقوم محکمه به
کلدیکی حالد قانونه اطاعت ایتماش نظریله
باقیله رق حقوق مدنیهدن اسقاط قلنه جفی

وعلیهنده دعوایه قیام اولنه جفی ومحاكمة
غیاییه سی ائاده اموالک حجز التنه آنسه جفی
وبوصره ده برکونه ادعایه حق اوله مایه جفی
وبالجمله ضابطه عدلیه مأمورلرینک کندوسنی
طوتمغه مجبور بولندقلری کبی معاملات حجریه
حقنده دخی مدعی عمومی بلکدرینه تبلیغات مقتضیه
اجرا ایدلیکی جهتله اصول محاکمات جزائی
قانوننک اوج یوزیتمش برنجی واوج یوزیتمش
ایکنجی ماده لرندن استنباط اولنان احکامه
توفیقاً اشبو قرارنامه بالتنظیم اعلان اولنور

محکمه تمیز حقوق دائره سندن تنظیم واعطا اولنان اعلامدر :

کره سونده ساکن تجاردن ماوردی حاجی یورکی
ایله کره سون قصبه سنک توفره محله سنده ساکنه
متوفی قبودان قسطنطنیدی یورکی یشهنک قیزی
خاریقلیا قادین واوغلی مارسیلیاده تجارتله مشغول
قسطاک بیئلرنده متکون دعوایه دائر طربزون مرکز
بدایت محکمه سندن استیناف صفی و ۲۴ کانون ثانی
سنه ۳۲۲ تاریخی و ۱۱۸ عددی ایله ویریلان اعلام
مرقوم حاجی یورکی طرفندن تمیز ایدلمکله اعلام
مذکور طرفینک اعتراض وجواب لایحه لرله برابر
بالمطالعه تدقیقات تمیزی به اجراسنه ابتدار قلندی .
اعلام مذکورک مالی مرقومان قسطاک و خاریقلیا
قادینک و کیلی موکلرینک مورثلری متوفی یورکی
یشهنک حال حیاتنده مزبور حاجی یورکیدن استقراض
ایدلیکی الی بیک غروشک تأمین استیفاسی ضمنتده
متصرف اولدیغنی برقطعه دکرمان ابله مع مشتملات
برقطعه فندق باغچه سنی حقیقته رهن وظاهرده قطعی
اولسق اوزره مزبور حاجی یورکی به فراغ ودین
مذکورک قسم کلیدنی تسویه ایدهرک متباقینسک دخی

و یر به جکی مومی الیه یورکی یشه داین مزبوره مکتوبه بیسان و داین دخی تسویه دین ایدلکده کره سونده بولنان اوغلی طرفندن املاک و اراضینک معامله فراغیه سی اجرا ایدله جکی اشعار ایدلیکی حالده بوکره یورکی یشه نیک و فانیه دین مذکورک متوفانک ورنه سی یعنی موکلری طرفندن تسویه ایدله جکی داین مرقومه بیان ایدلکده مذکور املاک اعاده سندن امتناع ایتش اولدیفندن بمثله مذکور املاک ورثه مزبوره به اعاده سی کره سون بدایت محکمه سنه بالمراجعه طلب و دعوی وایکی قطعه مکتوب ابراز و اعطا ایتسی اوزرینه مدعی علیه وکیل دخی مذکور مکتوبده کی امضا موکلنک اولوب اولمادیغنی بیله مدیکی کی مدعی به اولان املاکی متوفی یورکی یشه حال حیاتنده بیع بات صحیح ایله موکلنه بیع ایدلیکی مدافعه آبا ودرت قطعه طایو سندی ابراز و اعطا ایتسی اوزرینه محکمه جه سبق ایدن محاکمه و تدقیقات نتیجه سنده مدعی به املاک بیع بالوفا صورتیه بیع اولدیفنی مبرز مکتوب مندرجاتیه اکلاشلمش اولغله بدل رهنک مدعی علیه طرفندن اخذیه مدعی به دکرمان و باغچه نیک بایع مزبور یورکی یشه ورنه سنه اعاده سنه دائر محکمه مذکورده دن ویریلان اعلامک عند الاستیناف فسخیه بتکرار سبق ایدن محاکمه و تدقیقات استینافی نتیجه سنده مذکور املاک مستأف هاجی یورکی به استقراض اولنان الحقه مقابلنده تأمینات اولق اوزره بیع بالوفا صورتیه ترهین ایدلمش و بدل رهنک دخی مقدار کلسی تأدیه ایدیلوب قسم جزوایی قلش اولدیفندن بدل رهندن بقیه قالان مبلغک مستأف هاجی یورکی به تأدیه اولدیفنی صورتده یدنده بولنان طایو سنداتنک ابطالیه مذکور دکرمان و باغچه نیک متوفی یورکی یشه ورنه سی عهده سنه تفویض اولمسنه حکمدن و مستعینک اشبو حکم علیهنده لایحه سنده محرر باشلوجه اعتراضی دعوی واقعه عقاره متعلق اولدیفنی حالده ذی الیدلکک بالینه اثبات ایتدیرلما سی و سننده مستند اولمان مواضعه و وفا دعوالری شایان استماع اولمادیغنی حالده بوجهتک دخی نظر دفته آلتما سی و اعلام ابتدائی اسباب موجب ارا نه اولنه مامسندن طولانی استینافاً فسخ ایدلیکی حالده استیناف اعلامنده دخی ماده قانونیه کوسترلما سی و مبرز مکتوبده کی اقرار اقرار قطعی اولمایوب مجرد بردو ستاغه مبنی اولدیفنی حالده محکمه جه قبول ایدلمسی و مذکور مکتوبده بحث اولنان حساب جارینک مدعی به دکرمان و باغچه شمولی اولمادیغنی حالده محکمه جه بونک بر سندن اتخاذ ایدلمسی و قطعاً عقد اولنان بیعک اون سندن صوکره یازلمش عادی بر

مکتوبه استناداً بیع بالوفا یه تحویل ایدیه میه جکی اثنای محاکمه ده بیان ایدلمش ایکن اشبو اعدانک نظر دفته آلتما سی و ابراز اولنان ایکی قطعه ایجار سندنده کی امضای متوفی یورکی یشه نیک اولمادیغنی مدعیار وکیل اولانکار ایشدکاری حالده مؤخر اقرار ایتش اولمارینه کوره تناقض حسسیله دعوالری مردود بولنش ایکن بوجهتک اعلام بمیزمده مسکوت عنه بر اقلما سی مغایر قانون اولدیفندن بمثله اعلامک نقض و لایحه جوابیه مندرجانی دخی موافق اصول اولان اعلامک تصدیق طلبندن عبارتدر .

ایجابی مذاکره اولدقدمه اعلام مذکور مآلندن اکلاشلدیفنی اوزره مدعیار طرفندن بر منوال محرر سرد ایدیلان دعوی استماع و حکم البته آلتش ایسه ده املاک صرفه نظامنامه سنک طقوزنجی ماده سی موجبجه بومثالو سندنده مندرج بولنسان رهن و بیع بالوفا دعوالری مسموع اوله من ایکن محکمه جه بالاستماع حکم البته آلتسی مغایر قانون اولدیفندن اصول محاکمه حقوقیه قانوننک ایکی یوز اوتوز ایکنجی ماده سی موجبجه اعلام مذکورک نقضه و قانون مزبورک ایکی یوز قرق بشنجی ماده سی حکمنه توفیقاً کیفیتک محاکمه سنه کیریشلمکسزین اصلاح اعلامه ربطی ضمنتده محکمه مذکورده به اعاده سنه ۱۸ اغستوس سنه ۳۳۳ تاریخنده متفقاً قرار ویرلدی .

محکمه تمیز استعدا دائره سندن تنظیم واعطا قنآن اعلامدر :

مدالو سنجانی بدایت محکمه سی جزا دائره سندن استینافاً تنظیم واعطا قنآن ۲۲ ابول سنه ۳۲۰ تاریخی و ۳۱۱ عدلی اعلامک تمیزاً تدقیقی مستدعی لیغور طرفندن ویریلان استعدا نامه و اوراق متفرعه سی باش مدعی عمومیک مأموریت بهیه سنک ۹ نیسان سنه ۳۲۳ تاریخی تبلیغنامه سی ایله محکمه تمیز استعدا دائره سنه تودیع اولنش ولدی التدقیق مذکور استعدا نامه نیک مدتی طرفنده ویرلدیکی و شروط قانونیه سنه موافق بولندیفنی اکلاشلمش اولدیفندن بالقبول تدقیقات تمیزه اجراسنه ابتدار قلندی .

اعلام مذکورک خلاصه مالی مرقوم لیغورک عهده تصرفنده بولسان دکرمانه جاری صو بولنی تخرب ایتدکاری ادعا قنآن اکسنه فون استراطی جوقارو ایله قائم والده سی ماریه فرجه نیک برانترلینه دائر لاحق اولان حکم ابتدائی علیهنه مرقوم لیغور طرفندن اعطا قنآن استیناف عرئخالنده حقوق شخصیه سندن طولانی دعوی استینافیه قیام ایتدیکنی

ذکر و تصریح ایتامش اولمسنندن و عندالحاکمه ضرر و زیاننک مقدارنی تعیین ایتدیکنی کی لایحه استینافیه دخی ویرمامسندن ناشی عرئخال مذکورک ردیه اعلام ابتدائیک تصدیقه قرار ویرلدیکی مضمندر .

لایحه تمیزیه ده مدعی شخصیه اصول محاکمت جزائییه قانوننده تصریح اولدیفنی اوزره بالکتر حقوق شخصیه لرندن طولانی حق استینافی حائر اولمارینه نظراً بونک عرئخالده عدم تصریحی و علی الخصوص مواد جزائییه ده لایحه اعطاسنه مجبوریت اولمایوب شفاهاً دخی سرد مدافعات اولنق جوازیه قارشو لایحه ویرلماش اولسی کیفیتکی رد استدعانی مستلزم اسباب قانونیه دن اولمادیغنی بیانیله اعلام استینافینک نقضی استعدا اولمشدر .

تبلیغنامه ده دخی اعتراضات مسروده نیک نقض حکمی موجب اولمادیغندن بمثله تمیز استعدا نامه سنک ردی لزومی کوسترلمشدر .

ایجابی لدی المذکره اعلام استینافی مندرجاتندن اکلاشلدیفنی اوزره عند الاستیناف تشکیل طرفین ایله اولابده کی استیناف عرئخالنک قبولی قرار کیر اولدقدن صوکره مستأف اولان مستدعی لیغور ذکر اولنان صویک لایقیله جریان ایتدیکنی بالیسان اهل خبره نیک کشف ایدجه کی زیانک تضمینی طلب ایدهرک شوصورته دعوی استینافک حقوق شخصیه سنه منحصر اولدیفنی بیان ایتش و اصول مذکورک یوز سکسان دردنجی ماده سی منطوقجه ده مدعی شخصیه لری حقوق عمومیه نقطه سندن استیناف دعویاه صلاحیتلری اولمادیغنی بدیهی بولنش ایکن عرئخالک مجرد بویه بریدیک موجود اولمامسندن ناشی رد ایدلمسی و برده عرئخال مذکورک اصوله غیر موافق کورلمش اولمسنه و حقوق عمومیه نامه مدعی عمومیک مقامندن استیناف دعوی وقوع بولماسنه نظراً قرار استینافی مارالذکر استیناف عرئخالنک ردینه منحصر اولق لازمه کلور ایکن بدایت حکمنک تصدیق اولنسی مغایر اصول و قانون اولوب لایحه مندرجانی وارد و بجا کوردنیکندن اصول محاکمت جزائییه قانوننک اوج یوز اون دردنجی و اوج یوز اون طقوزنجی ماده لری موجبجه اعلام استینافینک قضیه احکام قانونیه دائره سنده ایضای معامله اولنق اوزره اوراق متعلقه سنک محکمه مذکورده به اعاده سنه تمیز جزای نقدیسی اولدق ورنه به تودیع ایدلمش اولان بش لیرادن ایکی یوز غروش اعلام خرجنک بالتوقیف متبایسنک مستدعی مرقومه اعاده سنه ۳ کانون اول سنه ۳۳۳ تاریخنده متفقاً قرار ویرلدی .

۶۹۲ نومرو لی نسخه ده مندرج در سعادت جنایت محکمه سی اعلامنک مابعدی :

قرائت اولنان اوراق مندرجاتنه قارشونه دیه جکی لسان ترجمانی معرفتیه صورلدقدمه متهم مرقوم فعل جرحی کندوسنک ایقاع ایتدیکنی وضابطه حضورنده دخی استجواب اولندیفنده کندونده اولمادیغندن نه سوبلیدیکی بیلمدیکنی سرد ایتدی .

مدعی عمومیک مقامندن معطی شهود بوضله سنده اسامیسی محرر اولان کسایک دعوت واقعه یه اتباعا ورود ایتدکاری خبر ویرلکه برررر حضور محکمه به چقار یلهرق لدی السسؤال طرفینه برکونه قرابت و مناسبت و خصوصتلی اولمادیغنی اکلاشلدقدن و اصولی وجهله امر تحلیفلی اجرا قلندقدن صوکره مواجهه استماع اولندقدننده بولندن غلطه مرکزنده مستخدم ۲۲ نومروده مفید و مرقم اولدیفنی سوبلیان قومیسر ناک قرق یاشنده معموره العزیزی حسن صبری افندی بن مصطفی وقعه کیجه سی ساعت سکر بقی راده لرنده و وظیفه سی باشنده ایکن بکچی عیسی افانک اولنجی قسطنینک کندوسنه سلسلمکده اولدیفنی سوبلیسی اوزرینه مرقوم عیسی و دیگر بکچی اسماعیل افالری بالاستصحاب کیتدیکنده اولنک قوسنده بکلمکده اولان مرقوم نساینک یوقاروده یکدیگری می اوردیلر برشی اولبور یوقاری چقدیم قیوی آچدیره مادم دیو سوبلیسیه قسطنی و بکچیلره برلکده یوقاری چقوب اوطنه قیوسی چالدیغنده ایچرودن برایکتی کلکه برابر قیونک کشاد ایدلادیکی و قیوی تکرار حیزلیجه اوروب آچلری لزومی اخطار ایتدیکنده متهم غوسپودین برونک قیوی آچسیله مرقومی صفیه چقاروب بکچیلره تسام ایتدکن صوکره مذکور اوطنه نیک قراکق اولسی اجلدن مرقوم اولنجیه کتورتدیکنی لامبه ایله اوطنیه دخولسنده لوحچینک کندو قاریوله سنه طیمش و قانله ملمع بولنش اولدیفنی حالده مجروحاً برده اوطنورمقده ایدوکنی کورمکه جارخی سؤلنده افاده به غیرمقدر اولدیفندن بارمغنی قالدیروب، طیشاری چقاردیفنی متهم مرقومی اشارتله بالکتر آرقداشم سوزنی قنوه ایتدیکنی و مذکور اوطنیه باقدیفنده موجود بولسان اوج قاریوله دن بریسنک قانله ملمع اولوب دیگر لرنده آثار دم مشاهده ایتدیکنی و مذکور قانلی قاریوله نیک یاصدیفنی اوزرنده برده تازه دملی بیچاق بولدیفنی وصفیه چقوب کیفیتکی متهمدن سؤلنده (بن اوردم) کلاتی ترکیه و بوغازینه صارلدیفندن طولانی مذکور بیچاقله اوردیفنی دخی یاری ترکیه و یاری لسان مادرزادنجیه سوبلیدیکی و متهم

مرقومی معاینه ایدلکندنه کوملکسنده دم لکلیری مشاهده ایتدیکنی افاده استطاقیه سنه موافق صورتده اخبار و عند الاستفسار محل وقعه اولان مذکور اوطنه ده مرقومان غوسپودین بترو ایله مقتول لوحچیدن بشقه کیمسه بولمادیغنی و قانلی اولان قاریوله نیک مقتولک ایدوکنی اولنجی قسطنینک سوبلیدیکی و متهمک یاتقدمه ایدوکی قاریوله ده آثار دم کورمدیکنی و اوطنیه بالخاصه تحری ایدلیکی حالده مذکور بیچاقندن بشقه آلات جارحه ده دسترس اوله مدیفنی و متهمی اورادن مرکز کتوردیکندنه مرکزده دخی مأمورین سائر ضابطه مواجهه سننده کیفیت جرحی بالطوع والرضا اعتراف ایدلیکی تذکار و شهادتنک حضور محکمه ده کی متهم غوسپودین بترویه عاند اولدیفنی علاوه کفتار ایدلی .

نه دیه جکی لسان ترجمانی واسطه سیله صورلدقدمه متهم مرقوم اونم چراغدر جوابنده بولندی .

غلطه ده طوغری بول بکچیسلی اولدیفنی سوبلیان قرق یاشنده نوشهرلی عیسی افانک امین وقعه کیجه سی ساعت سکر بقی راده لرنده محله یی کشت و کذار ایتدکنه ایکن اولنجی قسطنینک واقع اولان استمدادی اوزرینه رفیق اسماعیل افانک قومیسر حسن صبری افندی ایله اوله کیدوب و مرقوم قسطنی ایله یوقاری چقوب بر اوطنی اوردقدننده قیوی متهم غوسپودین برونک کشاد ایتدیکنی و مرقومی طیشاری چقارملره قراکق اولان مذکور اوطنه ده کی مومی یاقوب باقدقدننده لوحچی ناهنده بریسنک مجروحاً قاریوله سنه طیمش اولدیفنی حالده برده اوطنورمقده ایدوکنی کوردیکنی و کیفیتکی متهم مرقومدن سؤل ایتدکرلنده بوغازیه صارلدیفندن طولانی مرقوم لوحچی کی کندوسی جرح ایدلیکی اقرار ایتدیکنی و کندوسی اورادن اعطای معلومات ایچون قره غولخانه به کیدوب تکرار عودتسنده مقتول لوحچینک یاتش اولدیفنی قاریوله نیک قانله ملمع ایدوکنی و متهمک کوملکسنده دخی آثار دم بولندیفنی مشاهده ایتدیکنی افاده استطاقیه سی وجهله بیان و عند الاستبضاح کندوسی قره غولخانه به کیتدیکنی جهته مقتولک اشارتله متهمی تعیین ایدلیکی کورمدیکنی و مقتول مرقومک یاتدیفنی قاریوله به طیمش ایدوکنی و مذکور قاریوله ده مقتولک بیتوت ایتدکنه ایدوکنی اولنجی قسطنینک سوبلیدیکی و مذکور قاریوله دن ماعدا اوطنه نیک بشقه طرفنده قان لکسی کورمدیکنی و اوطنیه حین دخولسنده مذکور دملی قاریوله اوزرنده قومیسر حسن صبری افندی نیک برده دملی بیچاق بولوب بشقه بیچاق بولمادیغنی و مذکور اوطنه ده متهم ایله مقتولنک بشقه کسنه

موجود اولمادیغنی اتیان و شهادتنک متهم غوسپودین بترویه راجع اولدیفنی درمیان ایدلی .

لسان ترجمانی واسطه سیله نه دیه جکی صوریلان متهم مرقوم قورقوسندن اقرار کیفیت ایدلیکی جوانی ویردی .

ینه محل مذکورده بکچی اولدیفنی بیسان ایدن نوشهرلی اسماعیل افانک مصطفی افاده استطاقیه سنه موافق و بکچی عیسی افانک شهادتنه مطابق صورتده اخبار ماده و جارخی سؤل اولندقدمه مقتول لوحچینک بارمغیه متهمی اشارت ایدلیکی و آرقداشم سوزنی سوبلییه بلوب دیگر کونه افاده به مقتدر اوله مدیفندن سبب جرحی ایضاح ایدمکسزین جزئی مدت صوکره وفات ایتدیکنی افادته علاوه و شهادتنک حضور محکمه ده کی متهم غوسپودین بترو حقتده ایدوکنی حکایه ایدلی .

متهم مرقوم افاده سابقه سی تکرار ایتدی .

غلطه ده بازید زقافنده کائن بروسه میخالیچ اولندده اقامتله مذکور اولنک مستأجری اولدیفنی بیان ایدن اوتوز التی یاشنده ازکریلی قسطنی ولد انسپاش دخی لیله وقعه ده اغلامک کی برسله مزوج برکورتلی ایشتمسینی معقب مقتول ایله متهمک یاتدقدری اوطنه ده کی جامک شکست اولنسی اوزرینه یوقاری چقوب مرقومانک یاتدقدری اوطنه نیک قیوسی چالدیفنی حالده سس چقیموب قیو دخی کشاد ایدلادیکندن شبه لکنکه درحال اشاغیه اینهرک کیفیتکی بکچی به اخبار ایدلیکی و بونک اوزرینه ورود ایدن قومیسر حسن صبری افندی بکچیلره برلکده یوقاری چقورق مذکور قیوی چالدقدننده متهم غوسپودین برونک قیوی آچسیله مومی ایله قومیسرک مرقومی طوتوب بکچیلره تسام ایدلیکی و اوطنه قراکق اولدیفندن کندوسنک کتورتدیکنی لامبه ایله ایچرو کیروب و اوطنه ده کی مومی دخی یاقوب باقدقدننده لوحچینک قاریوله به طیمش اولدیفنی حالده مجروحاً برده اوطنورمقده ایدوکنی کورملره قومیسرافندی جانندن جارخی سؤل ایدلکندنه آرقداشم اوردی دیهرک و بارمغنی قالدیره ق صفیه چقارلمش اولان متهم مرقومی ارا نه و تعیین ایدلیکی و عند التحری قانله ملمع اولان مقتولک قاریوله سی اوزرنده دملی بریچاق بولدقدری و طیشاری چقوب کیفیتکی متهمدن صورددقدننده بن اوردم بن سوزلری ترکیه تذکار ولوحچی بوغازنی یقیدیفنی اجلدن محل مذکورده بولنان سالف الذکر بیچاق ایله اوردیفنی یاری ترکیه و یاری لسانجه و اشارتله نفهم و اقرار ایتدیکنی و باقدیفنده متهم مرقومک کوسکی اوزرینه مصادف

اولان كوملكنده آثار دم بولنديغنى ومومى اليه قوميسر ايله بكجيلى مرقوم غوسپودنى قره غولخانه يه كوتوروب تكرر اوتله عودتلرنده لوحچى يى وفات ايتش اولديغى حالده بولدىلرني افاده مضبوطه سى وجهله ياد وعند الاستيضاح مرقوم لوحچى افاده يه غير مقتدر ايدوكى جهتله سبب جرحى سويلديكى ومذكور بچاقدن ماعدا آلات جارحه بولماديغنى ومقتول مرقومك طيانش ايدوكى قاريولهده مقتولك بيتوت ايتكده ايدوكى ووقعه كيجه سى مقتل اولان اوطهده مقتول ايله متمدن بشقه كسسه بولماديغنى ومتممك قاريوله سنده قان كورمديكى ومتمم مرقومك پياسه معاملاتنه عدم وقوفى حسييله مقتولى يانده بولنديرمقده ايدوكى شوندىن بوندىن ومرقومانى آره صره كلوب آرايانلردن ايشتمش ومقتولك ايسه متمم ايله اورناق اولديغنى سويلش ايدوكى وحى وقعدهن اوچ درت كون مقدم حساب ماده سندن طولايي بيلرنده منازعه ظهورايتديكى كرك مقتولك وكرك قهوه خانهده بولنان بعض كسانك سويلدىلرني وديديكى غوسپودين پترونك حضور محكمهده كى متمم اولديغنى علاوه ايراد ايلدى .

متمم مرقوم لسان ترجماني واسطه سيله قورقومدن اقرار ايتدم سوزى تكرر ايلدى .

دائرة امانتدن كتوردلش اولان دمل بچاق اولان متهمه وبعده شاهدلره اراهه وسؤال اولدقده متمم مرقوم بچاق كندوسنك اولماديغنى بيان وشاهدلر دخی مقتل اولان اوطهده بولنان ومتممكده بوبچاق ايله اوردم ديديكى بچاق اولديغنى درميان ايلدىلر .

(بقيه سى كله جك نسخه يه)

اعلانات

نجات بحريه محكمه سنده :

محمود پاشاده يارم خان التنده كى مغازهده مقيم چوقه تجارتيه مشغل ايزاق و . ماجارك ۲۸ حزينان سنه ۳۲۴ تاريخندن اعتباراً اعلان افلاسنه ومصالح افلاسيه نك رؤيت وتسويه سى ضمنده اعضاي محكمه دن سعادتلو ابراهيم بكك ژوز قوميسر ودعوى وكيللردن ماركو ناحوم افنديك موقت سنديك تعيينلرينه ومغازه سيله اموال تجاريه واشياى زائده بيتيه سنك مهرلنسنه واوراق ودفاترينك جلبه وكفالت مصدقه اراهه ايدمهديكى تقديرده حبس وتوقيفه وبوباده كى قرارك موقتاً اجراسنه تجارت بحريه محكمه سنجه قرار ويرلش اولديغندن قانوننامه

تجارنك ۱۷۰ نجى ماده سى موجبجه دائمي سنديكلر انتخاب اولنق اوزره اشبو ۳۲۴ سنه سى تموزينك اون دردننجى بازارايرتسى كوني ساعت يدى راده لرنده اصحاب مطلوبك محكمه مذكوره نك مصالح افلاسيه رؤيته مخصوص اوطه سنه كللى اعلان اولنور .

محكمه تجارت اجراء دائره سنده :

مفلس آندوناكى آناياديسك تسويه ديوناتي ضمنده طويخانهده فيروزاغا محله سنده تقسيم جوارنده بك اوغلى جاده سنده برى سكر يوز اللى درت ذراع يدى پارمق وديكرى على التخمين يوزسكسان كسور ذراع يكديكرينه متصل ۱۴۲ و ۱۴۴ نومرولى وتوسيع انتقالو معلوم الحدود ايكي قطعه عرصهده يوزيكريمشر سهم اعتباريله مفلس مرقومك متصرف اولديغى التيشر سهم حصه لرى بوندىن اقدم موقع مزايده قونيله رق ليراي عثمانى يوزغروش حسابيله اون بش بيك غروشه طالبي عهده سنده قالش وتاريخ اعلان اولان اشبو تموز رومينك ايكيسندن اعتباراً اوتوزبر كونه يعنى كله جك اغستوس رومينك ايكنجى جمعايرتسى كوني ساعت اونه قدر يوزده بش ضم قبول اولنسى وذكر اولنان يوم وساعتهده صوك مزايده سى بالاجرا قرار قطعى ويرهرك طالبي عهده سنه كچورلسى مقرر بولنش اولديغندن وآندن صوكره هر نه ضم وقوع بولورايسه قبول اولنجه جغندن مذكور حصه لره يوزده بش ضم ايله طالب اولانلرك واطرافيله معلومات آلق ايسيتلرك بدل مزايده نك عشرينه مساوى ني اچقه سيله برابر مدت مذكوره ظرفنده محكمه تجارت اجرا دائره سنه مراجعت ايللرى ويوم ووقت مزبورده مذكور عرصه پيشكاهنده مأمورى مواجهه سنده حاضر بولملرى اعلان اولنور .

اورميه تجارت محكمه سنده :

موقتاً افلاسنه قرار ويريلان ادرميد قصبه سنده مقيم تجاردن ساقزلى استفانى ديومطارينك خصوصات افلاسيه سنك رؤيت وتسويه سى ضمنده دعوى وكيللردن كاظم بك ايله تجاردن لفتراكى ونيقوله وايايوس افنديلر اصالة سنديك تعيين قلمش اولدقلردن مفلس مرقوم ذمتنده آله جفى اولانلرك قانوننامه تجارتك ۱۹۹ و ۲۰۰ نجى ماده لرى موجبجه تحقيق ديون ايچون تاريخ اعلاندىن اعتباراً اوچ كون ظرفنده سنداتى محكمه كاتبه تسليم ايللرى ومدت مذكوره ختامندن صوكره اوچ كونده يعنى

۳۲۴ سنه سى تموزينك التجي بازار ويدنجى بازارايرتسى وسكرنجى صالى كونلرى محكمه مذكوره نك مصالح افلاسيه رؤيته مخصوص اوطه سنه كلهرك سنديك افنديلر مواجهه سنده آله جقلىرى اثبات وقيد وتصديق ايتيرملرى ومدت مذكورهده اثبات وجود ايدمهديان آله جقلىر حقتنده قانون مذكورك ۲۱۰ نجى ماده سنه توفيقاً ايفاي معامله اولنه جفى اعلان اولنور .

قوزانه تجارت محكمه سنده :

سيس قصبه سنده مقيم تجاردن مانوق پتاطيان واولادلى شركتلك ۷ حزينان سنه ۳۲۴ تاريخندن اعتباراً اعلان افلاسلرينه ومصالح افلاسيه لرينك رؤيت وتسويه سى ضمنده اعضاي محكمه دن مصطفى رشدى افنديك ژوز قوميسر ودعوى وكيللردن قيصة جق زاده محمود وتجاردين سهايل طوزجيان افنديلرك موقت سنديك تعيينلرينه واطه ومغازه لريله اشياى زائده بيتيه لرينك مهرلنسنه واوراق ودفاترينك جلبه واموال غير منقوله لرينك منع فراغى ايچون دفترخاقانى مأمورلغنه مذكوره تسطيرينه وكفالت مصدقه اراهه ايدمهديكى حيس وتوقيفلرينه وبوباده كى قرارك موقتاً اجراسنه قوزان تجارت محكمه سنجه قرارويرلش اولديغندن قانوننامه تجارتك ۱۷۰ نجى ماده سى موجبجه دائمي سنديكلر انتخاب اولنق اوزره اشبو ۳۲۴ سنه سى حزينانك يكرمى سكرنجى جمعايرتسى كوني ساعت اوچ راده لرنده اصحاب مطلوبك محكمه مذكوره نك مصالح افلاسيه رؤيته مخصوص اوطه سنه كللى اعلان اولنور .

چتالجه بيات محكمه سى اجراء دائره سنده :

سورغون قريه لى يوركى اوغلى استراطينك قريه مرقومه لى طومه اوغلى ياقو ذمتنده كى آله جغنىك تأمين استيفاسى ضمنده قريه حدودى داخلنده محجوز بولنان معلوم الحدود ايكي دونم وبوستاننجى موقعنده اون ايكي دونم ترلارك تاريخ اعلاندىن اعتباراً اون بش كون صوكره بالمزايده فروخته تشبث اولنه جغندن طالب اولانلرك چتالجه سنجاغى بدايت محكمه سى اجراء دائره سنه مراجعت ايللرى اعلان اولنور .